

от тѣлесныхъ сквернъ что сажа чермная,
 Паче чистѣйшаго снѣга убѣлися,
 от сквернъ, аки от блага, чюднѣ очистися,
 Тогда бысть раба богу, отцу истинному,
 и невѣста жениху Христу любезному.
 О ней же небесныя силы ликовашу
 и о радостной оной вси ся веселяху.
 О сей радости Христос бог сам изявляет,
 яко о грѣшномъ в небѣ единомъ бываетъ.

О семъ намъ, грѣшнымъ, требѣ въ веселии быти,
 толику царску милость всюду всѣмъ гласити.
 Егда в небеси радость многа сотворися,
 еже бо Евдокия святая крестися,
 Тогда демони люте зѣло возстенаша,
 о спасении ея вельми сѣтоваша,^к
 Яко имъ та удица, тая сътъ отяся,
 ею же человѣчскій родъ во адъ уловяся.^л
 Видѣ сама святая тѣ сѣтующия,
 ангелы же святыя ся веселящия,^о
 Ибо яко апостолъ Павелъ просвѣщенна
 бывши, во возторзѣ бысть въ небо восхищенна.
 Отнуду же от силы въ силу поступаше,
 добродѣтели многи зѣло проявляше.
 В чистотѣ восхотѣ плоти и духа пребыти,
 во чинѣ иноческомъ Христови служити,
 В немъ же плоти си и страсти тако умертвила,
 яко и ангелы вся превозвеселила.^п
 И мощно бѣ ангеломъ ону нарицати,
 ангельску житию ся ея удивляти.
 Не толь угодна бѣше бѣсу служениемъ,
 елико любезна бѣ Христу служениемъ.
 За житие си злое и пьянственное
 восприятъ трезвѣние повседневственное;
 За сладкия пищи сухъ хлѣбъ скудне вѣкушаше,
 за сладко вино хладну воду принимаше;
 За златыя ризы зати себе украшаше,
 въ раздрано рубище себе облачаше;
 За скверныя пѣсни псалмы пѣвше духовныя,
 за скаканіе творя поклоны всенощныя;
 За мяхки^р постели на земли валяшеша,
 за многій сонъ бдѣніе же совершашеша;
 За скверныя^с любители Христа единого
 возлюбила всѣмъ сердцемъ, бога истиннаго.
 Злато же и серебро все убогимъ раздаше,^т
 насъ ради обнищавшу, въ нищету служаше.
 За богатство мирское скверныя собранное
 купи себѣ царствіе вѣчно небесное;
 За присное плотское си угождение
 яви богу духовно выну служение;
 За всендвену веселость слезы изливаше
 во дни и въ нощи, — аки хлѣбъ сладкій ей бѣше.
 Яже вреда и блазни камень прежде бывый,
 юнымъ то источники слезныя явивый,
 Ими же молитву си жертвъ преуспѣлаше,
 зѣло преугодную богу сотворяше;
 Всесожжение тогда тучно является,
 егда смиренна сердца слезы смочается.
 Тѣмъ же подобаетъ намъ слезы изливати,
 многыя наша грѣхи тѣми омывати,
 Да чисты пречистому господу явимся,
 въ небесный чертогъ внити съ нимъ удостоимся.

л. 606

л. 606 об.

* В ркп. сѣтоваше. л В ркп. уловяся. о В ркп. веселящися. н В ркп. превозвеселящая. р В ркп. мяхкии. с В ркп. кверны. т В ркп. раздаше.